


GIMAA GAMIG MAAMPII ONTARIO

GIIWASHKWESHINOWIN NISIDWENJIGAADEG NIKAAZIWIN



**ROWAN'S
LAW**

WAASAMO BIIWAABIKONSING-MAZINIGAANS: 11 APIINISH 14 EPIITZIJIG


Ontario 

Nanagaasijigaadeg wiisgishinowan aga naadmaagwon awii gagwaashkweziyin kina gdo bimaadiziwin. Aanin wiisgishinowan wenpandon awii waamjigaadeg miinwaa awii naawitong, dash wiigwa aaniish owi wiisgishinowan biinji ondib? Wiinindib wiisgishinowan, dibishko gonaa giiwashkweshinowan, gaawii naagosinon zaajijiwing miinwaa gaawii pane gikendaagosinon. Aanowi agwa gwayaa bkaan gaawii ada waaabmdaziin gdo giiwashkweshinowan gdo mozhiton endodaagmegag miinwaa dowendaagwod weweni gnowenjigewin awii mino yaawin.

Maanda nikaazowin aga naadmaagwon woshme awii gikendaman newen giiwashkweshinowan, awii aabajj gagwaashkweziyin miinwaa awii waankiiyin.



WEGNESH OWI GIIWASHKWESHINOWIN?



Owi giiwashkweshinowin aawan wiinindib wiisgishinowin. Gaawii adaa waamjigaadesno zhaabwaatesjiganing, maage bkaan dnowaa mashkikii zhichigewinan dibishko gonaa bezhig dinookaan zhaabwaate shimiwewin e-aabajichigaadeg mamaandaawaabik maage Waasamoo-manidoo-biiwaabik mazinaatesjigan. Yaaman owi giiwashkweshinowin ganimaa gdaa madokdaagwan owi nikiiyaa enendaman, ezhayaawin miiwaa endodaman.

Wegwen agwa wepjijagan zhiwe gdibaang, g'dengwe maage gdo okwegan adaa miigwemigad giiwashkweshinowin. Owi giiwashkweshinowin ganimaa adaa onji zhiwebad wepjijagan zhiwe gwiiyawin giishpin gagetin owi wepjijagan zhichigemigag gdo wiinindib awii bimaajibideg biinjiwiing gdo oshtigwaaning. Dibishko gonaa gagetin wepadaagowin gdo dibaang bakwaakwad nakaazang maage gagetin amigishinang michisag.

Owi giiwashkweshinowin aawan nenizaanag wiisgishinowin. Aanowi agwa madokdaagewinan ajina tenon, owi giiwashkweshinowin adaa ani aawan gichi gnesh inamanjiwinan, maage gagige madookdaagewinan, dibishko gonaa makwendamowin maage maanendamowaapine.



NANAGAASIJIGAADEG OWI GIIWASHKWESHINOWIN


Ntam, giin gdaa ndagikendaan newen yaawong giiwashkweshinowinan.

Miinwaa age:

- Gagwekwendan owi enkaaziyin weweni nishing;
- Gagwekwendan gdo daminowin nikaasiwin wewen minakaman;
- Minaadendan newen naaknigewinan owi gdo daminowin;




- Naagidon gdo daminowin wiijindiwin/gikino amaadiiwiigwaam ado Giiwashkweshinowin Naagojigan Doodamowin; miinwaa
- Wiindamo gechi piitizid e'penimandwad, dibishko gonaa egitiziimid, daminowin ekinomaaged maage ekinomaaged, gego wiisgishinowinan. Nisastan gechi piitendaagwogaabdeg dibaajimang awii bwaa temgag woshme wiisgishinowinan.



NISIDWAABMJIGAADEG OWI GIIWASHKWESHINOWIN

• HIT. STOP. SIT.

Giishpin yaaman giiwashkweshinowin ganimaa gdaa yaan bezhig maage woshme newen e'waabmjigaadeg maage inamjiwinan maampii niisawiing ezhibiigaadegin. Ganimaa gaawii wewiib adaa naagsinon maage niibna diba'igan, ganimaa age niibna giizhik baamaapii. Bezhig waamjigewin maage inamjiwin debsemigad awii monendamang giiwashkweshinowin. Aanin bemaadizijig e'yaamijig giiwashkweshinowin **gaawii** wanimikawisiiwog.



Gagwej e'waamjigaadeg miinwaa inamjiwinan owi giiwashkweshinowin:

WIIYAW:


- Dwekkwe
- Maagode'emanji'ondib
- Giiwashkwewyaabandam
- Maazhidewe maage zhashagagwe
- Biigizawinam
- Gaagiiskaagwon e'waasewaag
maage medweweg
- Midiwesin biinji otawaganan
- Nabane izhisesii
- Ayekozi maage nondese
mashkawiziwin
- Noondengoshi
- "Gaawii gagwek zhayaasii"

INAMJIWIN:

- Nishkaajizhaya (wewiib maanaadendam
maage nishkaadizi)
- Maanendamowaapine
- Maanaadendamowin
- Goshko-ayaa maage migoshkaadendam


INENDAMOWIN:

- Gaawii gagwek nendizii
- Bejimigad inendamowin
- Giiwanaadendam
- Znagizi naagzowaamjiged
- Znagizi awii makwendang gego



NIBEWIN-ENOWENDAAGWOG:


- Woshme maage bangii nibaad
gagweji minik.
- Zinagizi awii nibaad



MISKO GIKINWAAJIGANAN:

"Misko Gikinwaajiganan" ganimaa adaa aawan yaaman wiisagaapinewin. Ganawaabmidan mishko gikinwaajiganan aawang niizaanendaagwog miinwaa giigidan 911.

- Gaagijjigwewe maage wiisigigwewe
- Niizhowaabi
- Niinimiziwin maage giikimanike maage giikiminokaade
- Wiisgi maage woshme wiisgi dewekwe
- Ojibinigo maage daapabinigo
- Gaawiin mikawisii (nikaamdaginaamaa)
- Zhaashiishigagowe
- Woshme nashkwe zhayaa, nishkaaji zhayaa maage miigaaji zhayaa
- Woshme agwa giiwanaadendam




WEGNESH AGE ZHICHIGEWIN MIINWAA?

Giishin nendaman yaaman giiwashkweshinowin wewiib bontaan megwaa e'nankiiwin. Windamo egitiziiniged, daminowin ekinomaaged maage ekinomaaged maage gwaya gechi piitizid epenimandwad. Giishpin bwaa wiji-yaawad gitiziim maage nyaagdownimig, gagwejim gwaya awii ginoonaad awii abi naanigowin. Gaawii njike gdaa nigangosii.

Waabam mashkikiinini maage mashkikiikwe wewiib agwa ezhi gshkitowin. Gaawii gdaa biskaabiisii daminowin apiinish debinaman mashkikii bagidinigewin ne-aab awii daminowin giishpin gegwa nendaman MINO ZHAYAAWIN.

Giishpin gwijjikiwen, waaji skoniwimad maage waadokwad wiindamaag ado inamijiwinan, maage waabmdaman ganimaa yaamiwaad giiwashkweshinowin, wiindamo gechi piitizid e'penimandwad awii naadimaaged.



ESHKAM MINO AYAANG

Maawach bemaadizijig eyaamijig
giwashkweshinowin ani mino
ayaawog nigo apiinish niwin anami`e-
giizhigad Aanin bemaadzijig woshme
gnesh n'jitaawog. Ensa bezhig
giwashkweshinowin bkaan aawan.
Gegwa aawechigaadanige bekaanizid
bemaadizid aabziishinowin, maage owi
bkaan giwashkweshinowin zhaazhigwa
agaa debinamiba.

Ganimaa agwa owi giwashkweshinowin
gnesh adaa tenon madookdaagewinan.
Bemaadizijig ganimaa adaa yaanaa-aa
inamjiwinan, dibishko gonaa dekwewin,
gaagijigwewin maage maanaa
zaabiwin, age temgag niibna giizis,
maage niibna nisa biboon. Aanin age
adaa yaanaa-aan gaagige aanjiseg
ado wiinindib eni zhiwebak znagiziwin
dibishko gonaa minjimendamowin,
nashkwewendamowin maage
maanendamowaapinewin. Wewiikaa
agwa ezhiewbag, owa bemaadizid
e'debinag niibna wiinindib
wiisgishnowinan jibwaa mino yaad
naasiwe newen wiisgishnowinan
ganimaa adaa maajitamigad neniizaanag
baagishiwin wiinindib, owi ezhinikaadeg
ekwa niizhing aandaapinewin, ageni
zhiwebikiba maajimiziwin maage
nibowin.

Epiichi aabiziishinan, gaawii gego

gdaa nankiisii ganimaa woshme gdo
inamjiwinan awii maanaadag. Ganimaa
maanda adaa aawan naazhinaman
e'hankiwin dibishko gonaa nakiitowin
gwiiyaw, iskoniwin, maage minik
e'yaawin giigido biiwaabikonsing,
mazinaabikiwebinigan maage
mazinaatesijigan.

Noojimang owi giwashkweshinowin
dowendaagwod zhiibendamowin. Adaa
znagad agwa baabiichigeng giishpin
dash wewiib bisaabiiwin nankiwinan
woshme inamjiwinan adaa maanaadidon
miinwaa woshme gnesh gdaa njitaa awii
mino yaawin.

Giishpin yaaman giwashkweshinowin,
wiindamo gitziimag, kina daminowin
waajii-ejig/waadokaazijig, gikino
amaadiiwiigwaaman, e'waamdowejig
daminowin miinwaa e'kinomaagejig.

Miinwaa makwendaan, ne-aab
bishkaabiiwin gikino amaadiwin ntam
aawan jibwaa bisaabiiwin
owi daminowin.




BISKAABIING OWI GIKINOMAADIWIN MIINWAA DAMINOWIN

Giishpin mashkikiinini maaage
mashkikiikwe waawiindang yaaman
giiwashkweshinowin aabdeg
aga naagidon gdo daminowin
nyaagdowendamajig neyaab
biskaabiing daminowin naaggjigewin
miinwaa/maage, gdo gikino
amaadiiwiigwaam neyaab biskaabiing
gikinomaagewin naaknigewgin,
zhiwe miigsemigag. Owi biskaabiing
daminowin naaggjigewin aawan aabdeg
owaa nagidowin jibwaa bishkaabiiwin
daminowin. Gaawii maamdaa awii
biskaabiiwin awiii digoyaawin newen
nagajitowin, gagwejiwin maage
maanenjigewin baamaapii mashkikiinini
maage mashkikiikwe kidad ahaaw awii
bishkaabiiwin.

Gdaa wiji-nakiimaa gdo mino
yaawin gnowenjigewin negijitod
miinwaa daminowin wiji-ewin/gikino
amaadiiwiigwaam awii maajitaawin
naaknigewin awii waankiiwendaagwog
biskaabiiwin daminowin miinwaa gikino
amaadiiwiigwaam. Giigidan gdo gikino
amaadiiwiigwam woshme gego awii
gikendaman.

Maawaach agwa biskaabiiwaad-
daminowin naaggjigewinan kidomigad
gewe jepizijig adaa niwebog 24 apiinish
48 dibagiisaan jibwaa maajitaawaad
gego nengaaj ani biskaabiiwaad
daminowin.



Owi gikinawaabanijigan niisaawiing etemgag zhibiigaadenon zhichigewinan miinwaa e'nankiing newen gagweji mikigaadeg zhiwe biskaabiwaad-daminowin naagjigewinan miinwaa neyaab biskaabiing gikinomaagewin naaknigewgin.

Gikinawaabanijigan: Gagweji Zhchigewinan zhiwe Bemigii Biskaabiwaad-Daminowin Naagjigewinan

Zhichigewin	Waani azhaang	Danakamigiziwin	Gshkitoong owi Zhichigewin
1	Nigaasidong maanaaj inamjiwin danakimigiziwin	Ensa giizhigag e'nankiing gaawii woshme inamjiwinan maanaadsinon, dibishko gonaabibaayaang endaang miinwaa bangii gego nankiing endaang.	Nanegaaj maajitaawin gikino amaadiwin miinwaa nankiwinan
2	Naangang wiiyaw nakiitowin	Naangang nankiwin bangii awii gizhiibideg ode, dibishko gonaabimaseng maage bekaa e'bid ditibiwebishkigan 10 apiinish 15 dibagaans	Giigsemigag ode epiichibideg
3	Daminowin waajii-emigag nakiitowin wiiya	Njike mino ayaawin nankiwin dibishko gonaabimbitoowin maage zhooshkwaadewin Gaawii gego bitaakshkodaading maage ondib nakaazang	Aankesidon bimaajiiwin
4	Gaawii gego bitaakshkodaading nagajitowin, gagwejiwin, aagiito zhichigewin	Woshme znagag nagajitowin aagwiito zhichigewin Digosidon nanaakonige nagajitowin (giishpin miigsemigag)	Nakiitowin wiiyaw, maamowi nakiitowin wiiyaw miinwaa woshme naanaagidowendamowin
5	Bwaa nigaadziigaadeg gagwejiwin	Bwaa nigaadziigaadeg gagwejiwin – bitaakshkodaadiwin temagag	Noojimotoon apenimandaadiziwin minwaa dibizhan epiichi gshkitood
6	Biskaabiing daminowin	Bwaa nigaadziigaadeg daminowin maage maanenjigewin	

Mashkikiinini bagidinigewin aabdeg dowendaagwod jibwaa biskaabiid ojepizid owi bwaa nigaadziigaadeg nagajitowin, gagwejiwin maage maanenjigewin.

Gagwejim gdo daminowin wiijii-ewin miinwaa gikino amaadiiwigwaam newen zhichigewinan age naagdowin.

Gdo giizhiitaa awii ani zhaawin owi enitemigag zhichigewin apii gshkitowin zhichigewinan megwa eni yaawin woshme bwaa maanaaji zhayaawin maage debinam shki inamjiwinan. Giishpin zhiwe eni zhichigewin inamjiwinan woshme maanaadag, gdaa bontaa miinwaa ne-aab gdaa ani zhaa ntam agaa zhichigewin. Ensa bezhig owi zhichigewin 24 dibagiiswaan adaa njitaamigad. Giishpin inamjiwinan gaawii naawisesinag maage inamjiwinan woshme ani maanaadak, ne-aab gdaa zhaa mashkikiinini maage maskikiikwe.



MIKOWAATAAGOZIWIN:

Gichi piitendaagwod awii waankiiwin apii awii daminowin. Owi newen giwashkweshinowan, makwendan:

- 1. Nisidwaabmdan e'waamjigaadeg miinwaa inamjiwinan owi giwashkweshinowin miinwaa boontaan** wewiib enakiiwin, aanwi agwa nendaman ganimaa gdaa MINO ZHAYAA. Wiindamo gechi piitizid.
- 2. Zhaan awii ndakenmigowin** owa mashkikiinini maage mashkikiikwe.
- 3. Negaaj biskaabiingikino** amaadiiwiigwaam miinwaa daminowin.





Rowan Stringer

◐ ROWAN'S LAW

Maanda waasamo biiwaabig mazinigan aawan bezhig newen maziniginan owi Rowan's Law giiwashkweshinowin gikendamowin nikaaziwinan. Rowan's Law agii zhinkaade owa onji Rowan Stringer, aanke gikino amaadiiwiigwaam bikwaakod e'daminad abi njibaad Ottawa, agaa nibod minookamig 2013 owi onji ishayaawin ezhi gikenjigaadeg ekwa niizhing aandaapinewin (baagishing wiinindib agaa onji zhiwebak aanke wiisgishinang agaa zhiwebak jibwaa noojimomigag owi ntam wiisgishinowin). Rowan agii nenjigaaza agii debnang nisiwi giiwashkweshinowin biinji ningodwaasogon epiichi bikwaakod daminad. Agii gikendaan agwa yaang giiwashkweshinowin dash gaawii agii gikendiziin wiinindib dowendaagwog awii noojimomigag. Gaawii age gitziiman, gikinomaagejig maage daminang ekinomaagejig.

Maanda nikaazowin gaawii nendaagosinon awii miigweng mshkikii giikmigewin owi gdo mino ayaawin naagdowenjigaadeg. Giikmigewin owi mino ayaawin onji giiwashkweshinowin inamjiwinan, nanaandowaabam mashkikiinini maage mashkikiikwe.